

廣東圖說

廣東通志

龍門縣圖

龍門縣圖



西二度四

西二度半

西二度半

西二度

西二度半

西二度

度三西

界縣甯長

從化縣界

從化縣界

增城縣界

增城縣界

度三西

四二
度十

半三
度十

龍門縣

縣治在府城東北二百一十里漢番禺縣地後漢以後爲增城縣地明宏治九年分置龍門縣今因之

城周四百九十二丈九尺高一丈五尺無濠

麒麟寨城東二十里路通河源縣

黃獅輦城東二十五里東南爲凹頭西南爲麒麟寨往來大道東界河源縣

凹頭城東二十五里往來大道東界河源縣

花竹山城東南五里

蝴蝶雙山城東南十二里巒岫對峙翩翩若舞故名東爲茅岡

陳禾峒城東南三十里東爲西山

西山城東南三十五里山勢迤邐南爲松嶺西爲陳禾峒

蓼溪嶂城東南四十里山勢崑崙遠眺羅浮如在咫尺上有池
曰臥鹿方二丈隆冬不竭西爲蓼溪約

筆架山城東南四十里形似故名南爲聖礫嶺

聖礫嶺城東南五十里上有喬木中有石磴流水九曲注爲飛
泉下有深潭歲旱禱雨以紅鐵投之則霖雨驟至

松嶺城東南六十里東爲橫逕又東爲雀逕南爲龍槽逕東界
博羅縣

雞花逕城南一百里東爲馬鼻逕西爲龍門逕南界博羅縣

將軍帽嶺城西南十五里山勢高峻形似故名南爲油柑嶺西南爲黃嶺有將軍帽汛

黃嶺城西南三十里山勢崢嶸西爲牛井逕有牛井逕汛

金山逕城西南七十里東南爲油阮又東南爲馬厯山

石蔚山城西南七十里

天嶺城西南九十里一名指天嶺山勢高聳爲一邑之望西林水繞其南麓

龍門逕城西南一百里南界博羅縣

打石逕城西南一百里南界增城縣

馬阮嶂城西南一百里南界增城縣

石峽城西南一百二十里南界增城縣

沈凹城西南一百二十里南界增城縣

藍漢山城西南一百二十里山勢嵯峨其上多竹居民以造紙

爲業西南爲南崑山又西南爲連雲嶂西界從化縣

錫山城西南一百二十里南界增城縣

高阮嶂城西南一百二十五里南界增城縣

高盤嶂城西南一百四十里東爲中坪南界增城縣西界從化

縣

觀音凹城西一百里東南爲窩輦凹西界從化縣

丫髻山城西北八里形似故名雙峯並峙如鳳凰故又名鳳凰

山上有神廟歲旱禱雨輒應

長輦頭山城西北二十里東南爲勑竹凹又東南爲丫髻山又東南爲白鴿嶺又東南爲新凹

石馬山城西北四十里山勢龍嵒石磴森列旁有五石宛如童子名童子讀書石

霧迷嶂城西北四十里山勢高峻上干霄漢

虎獅山城西北五十里形如虎獅對峙故名有飛泉瀑布下注西林水

黃麋尾山城西北五十里西爲雙腦山北界長甯縣

茫茫髻山城西北六十里東爲彭公嶺又東爲帽子峯又東南

爲虎獅山又東爲牛皮嶺又東南爲曲背灣山

雙腦山城西北六十里北界長甯縣

沙盤嶺城西北六十里往來大道西北爲禽嘴西南爲獨角嘴
上下塋山城西北六十里往來大道西爲板嶺又西爲英公峒
又西爲旗嶺北界長甯縣

英公峒城西北六十五里東南爲銅鑼磑又東南爲杉木凹北
界長甯縣

瓦嶺城西北六十五里山勢崿施

分水凹城西北八十里西界從化縣北界長甯縣

仙女石城西北八十里東南爲弔馬嶺西南爲三角山又西南

爲八仙山西界從化縣

陳峒山城北三十里勢如卓旗山側有小阜突出有石菴石佛
捲龍山城東北十里與鳳凰山對峙山形陡峭頂極平曠

八字山城東北二十里其土細潤可爲瓦器三礫水出焉又東
北有鐵院山

大雞籠山城東北二十五里東界河源縣

大帽峯城東北三十五里東南爲八字山又南爲捲龍山又東
南爲大雞籠山東北界長甯縣

白鳩逕城東北四十五里往來大道東北界長甯縣

羊古田凹城東北五十里往來大道西南爲尾鼠尖山又東南

爲梅派山又東南爲白鳩逕又西南爲黃州峒又南爲禽石山

西林水

一名九淋水

源出縣西北三角山東南流經弔馬嶺又東南

分流繞永豐墟復合又東南流經中馬鞍土湖村水自西南來注之又東南流經將軍帽汛高明水自西北來會高明水源出縣西北分水凹東南流經沙盤嶺大阮水自東北來注之又東南流經熱水湖又東南流經帽子峯英公峒水合白泥阮水自東北來注之又東南流經霧迷嶂密溪自西北來注之又東南流經春花逕蛟子阮水自東北來注之又東南流經龍門堡又東南流與西林水會西林水又東南流經鷓鴣堡菱角塘水自西北來注之又東南流經縣城南白沙水自東北來會曰沙水

源出縣東北白鳩逕西南流經石塘堡超岡村水自西北來注之又西南流經水口圍塘阮水自東北來注之又西南流經羅田堡三礮水自東北來注之陳峒水又自西北來注之又西南流經麻埔山田尾堡水自西北來注之又屈東南流經陳村大阮水自東北來注之又屈西南流與西林水會西林水又屈西南流經水西堡三峒水自東北來注之又西南流經晶溪店榕溪自西北來注之又西南流經含槎牛瀝冲水自西南來注之又西南流路溪墟水自東北來注之又西南流經囊寫約研村水自西北來注之又西南流經河陽約蓼溪水自東南來注之牛井水又自西北來注之又西南流經虎跳石

兩石相對各高丈餘虎跡宛然

石下爲虎跳潭深不可測

白花澗水自東南來注之西溪又自西北來注之

又屈東南流經水口村高沙水自西北來注之又東南流經大續嶺鰲溪自東南來注之又東南流經鰲溪汛大陂水自東南來注之又東南流經麻榨墟牛背阡水自東南來注之又屈西南流經天嶺桂村水自西北來注之又西南流經龍虎灘汛永清水自西北來會永清水源出縣西南藍漢山東南流經廟子角汛又屈東北流經廟子角舊司署觀音凹水自西北來注之又東北流經金雞坊石峽水合沈香潭水自西南來注之又東北流經隔陂村油田水合蘇田汛水自東北來注之又屈西南流經學道約又屈東南流經廟子角司署又東南流與西林水

會西林水又西南流經錫山又西南流經高阮嶂又西南流入增城縣東北境

知縣一員

復設教諭訓導各一員

均駐城內

廟子角司巡檢一員

駐永清墟

其屬大鄉三十一

高沙約城南六十里內有小村八曰大圍曰大塘曰楓林口曰陂下曰譚屋曰上巔曰鄭田曰塘角埔

河東約城南一百一十里內有小村四曰河東圍曰到阮曰箕阮曰滌阮南界博羅縣

大陂約城南一百二十里內有小村八曰歸龍曰社下曰滌頭

曰曾村曰塘面曰赤嶺曰大坪曰螺院南界博羅縣

西溪約城西南四十五里內有小村十二曰橋頭曰西院曰鹿
暗曰高田曰沙田曰小嶺曰雙院曰曲潭曰鉗頸曰姚屋曰菜
院曰楓木龍

上林約城西南五十里內有小村九曰長灘曰上林曰上村曰
水口曰茶湖曰書樓曰官路下曰河洞曰蠟石有沙逕墟

雙厦約城西南五十里內有小村十曰隔院曰新塘曰穆屋曰
葉屋曰山厦曰黃屋曰水頭曰滌口曰羊耳曰白花磔

橫槎約城西南六十里內有小村八曰田尾嶺曰大古嶺曰曾
屋曰儒林圍曰石田曰逕下曰洞尾曰田心